

**PARLAMENT FBiH  
PREDSTAVNIČK DOM**

**n/r Elvir Karajbić, predsjedavajući**

**Hamdija Abdić,  
Zastupnik**



Sarajevo, 23.04.2019.

U skladu sa članom 172., Poslovnika o radu Predstavničkog doma Parlamenta FBiH, po **skraćenoj proceduri** podnosim ,

**ZAKON**

**O IZMJENAMA I DOPUNAMA ZAKONA O PRIPADNOSTI JAVNIH PRIHODA U  
FEDERACIJI BOSNE I HERCEGOVINE**

**Hamdija Abdić, zastupnik**



## PRIJEDLOG

### ZAKON

#### O IZMJENAMA I DOPUNAMA ZAKONA O PRIPADNOSTI JAVNIH PRIHODA U FEDERACIJI BOSNE I HERCEGOVINE

##### Član 1.

U Zakonu o pripadnosti javnih prihoda u Federaciji Bosne i Hercegovine ("Službene novine Federacije BiH", br. 22/06, 43/08, 22/09, 35/14 i 94/15) u članu 6. u stavu 1. tačka b) mijenja se iglasi:

"b) finansiranje funkcija kantona 51,00 %".

Iza tačke e) dodaje se nova tačka f) koja glasi:

"f) saniranje ekonomske štete uzrokovane migrantskom krizom Grada Bihaća za 0,20 %" i Općine Velika Kladuša 0,03 %.

##### Član 2.

Ovaj zakon stupa na snagu narednog dana od dana objavljivanja u "Službenim novinama Federacije BiH".

Hamdija Abdić

Zastupnik u Predstavničkom domu Parlamenta Federacije BiH

77000 Bihać

Bosna i Hercegovina

Federacija BiH

Predstavnički dom Parlamenta Federacije  
BiH

N/r Predsjedavajućem Elvir Karajbić

Predmet: Incijativa, dostavlja se;

Poštovani predsjedavajući Karajbić,

Zakon o pripadnostima javnih prihoda u Federaciji BiH je donešen 2006 godine i objavljen je u Službenim novinama Federacije BiH br. 22/06. Čitajući Zakon, zaključio sam da su vjerovatno iz opravdanih razloga neki kantoni favorizirani sa većim koeficijentom raspodjele. Tako je Kanton Sarajevo dobio koeficijent 2, dok je Bosansko podrinski kanton Goražde dobio/gra Kanton 10 dobio 1,1. Nakon toga, izvršena je Izmjena i dopuna navedenog zakona i to 4 puta ("Službene novine Federacije BiH", br. 43/08, 22/09, 35/14 i 94/15). Između ostalog radi posebnih rashodovnih potreba određenih općina mjenjani su koeficijenti raspodjele pa je tako Općina Trnovo dobila dobila koeficijent 1,8 a Općina Vogošća 1,4.


Kao što znate Grad Bihać i Općina Velika Kladuša već drugu godinu opterećene migrantskom krizom. Tokom ovog perioda lokalne vlasti su izgubile stabilnu finansijsku osnovu i samostalne izvore prihoda na osnovu kojih bi ravnomjerno i u kontinuitetu djelovale na ekonomskom razvoju svojih lokalnih zajednica. Primjera radi unazad nekoliko godina Grad Bihać je ostvarivao prosječnu finansijsku korist od privatnih i društvenih investicija te po osnovu toga u gradski Budžet obezbjeđivao je na ime naknade za uređenje gradskog građevinskog zemljišta i rente prosječno oko 3.633.850,00 KM. U 2018 godini na ime ovih dadžbina Grad Bihać je oprihodovao osam puta manje odnosno 401.446,85 KM. Iz navedenih podataka jasno se vidi da su ekonomske štete uzrokovane migrantskom krizom za Grad Bihać katastrofalne. Želim istaći da sam naveo samo jedan od gradskih prihoda, a i ostali su na sličnom nivou. Siguran sam da ovakav finansijski rezultat nije samo radi migrantske krize ali predstavlja jedan od glavnih uzročnika.

S tim u vezi u skladu sa članom 11. Poslovnika o radu Predstavničkog doma pokrećem inicijativu za donošenje izmjena i dopuna Zakona o pripadnosti javnih prihoda u Federaciji Bosne i Hercegovine ("Službene novine Federacije BiH", br. 22/06, 43/08, 22/09, 35/14 i 94/15).

Suština izmjena se ogleda u saniranju ekonomske štete uzrokovane migrantskom krizom u Gradu Bihaću i Općini Velika Kladuša. Predlažem da se izmjeni i dopuni član 6. i da se ubaci stavka "f) saniranje ekonomske štete uzrokovane migrantskom krizom u Gradu Bihaću za 0,20 i Općini Velika Kladuša 0,03. Navedena sredstva bi se obezbijedila solidarnom raspodjelom finansiranja funkcija kantona. Predloženu izmjenu Zakona Vam dostavljam u prilogu. Želim istaći da se usvajanjem ove inicijative obezbjeđuju tek simbolična sredstva za Grad Bihać i Općinu Velika Kladuša u odnosu na ekonomsku štetu koju trpe. Na ovaj način Predstavnički dom i Dom naroda FBiH bi pokazao volju da barem dijelom obeštete odnosno pokažu solidarnost prema Bosanskoj Krajini odnosno Gradu Bihaći i Općini Velika Kladuša koji zaista trpe veliku štetu na ekonomskom, ekološkom i svakom drugom planu. Moram istaći da je trend odlaska mladih sa ovih krajeva bio i prije migrantske krize ali se ovom pojavom u najmanju ruku udvostručio. Moram naglasiti i to da zbog medijske kampanje oko migrantske krize mnogi investitori koji su imali namjeru ulaganja u Grad Bihać i Općinu Velika Kladuša svoje investicije su obustavili ili su odustali od njih. Naglašavam da je turizam u Gradu Bihaću bio u velikom usponu međutim da se primjetiti da u zadnje vrijeme u rapidnom padu. U ovom kantonu jedna od prvih privrednih grana razvoja je turizam i poljoprivreda, a kao što se zna da je industrija maltene uništena onda možemo razumijeti kakva je ekonomska situacija. Na kraju, siguran sam da svih 98 zastupnika mogu pretpostaviti da je situacija ovakva ili još teža a posebno to znaju zastupnici iz Unsko sanskog kantona.

Iskreno se nadam da će ova inicijativa biti podržana od svih zastupnika.

S poštovanjem,



Hamdija Abdić